

## 開放文學 – 神鬼仙俠 – 東遊記 十八點金濟眾成仙

二人行了數日，不覺來到華山。見其山接連天日，吞吐雲霞，果是名賢隱跡之鄉，仙子傳真之處。有詩為證。詩曰： 山聳  
霄漢外，雲裏路苔嶢；

瀑布流千丈，如鋪練一條。  
下有棲心窟，橫安定命橋；  
巍巍鎮世俗，華山名獨超。

又詩雲：

突兀三峰接九天，雲霄深處即神仙；  
分明指汝超凡路，何事男兒到此邊。

兄弟尋至三峰，結草為廬，日夕修煉，期年之內，未見成功。一日出遊，見貧人填路，問其故。曰：“乃年歲不登，老弱轉乎溝壑，壯者散之四方。”權嘆息久之。回至山中，言於簡曰：“饑饉薦至，民不堪生，殊為可憫。”簡曰：“濟人利物，仁人之心。汝識金丹之道，不度斯世之民，成之何用？”權曰：“吾亦將欲試之。”乃取銅錫之類，於前，少放靈藥，以火焚之，皆成至室，廣布貧民，因之而得命者，千百萬家。

一日，有上??王玄甫者，知鐘離道將有得，降於仙班訪之。鐘離見其豐神特異，言論奇妙，拜求長生之訣。王曰：“心遑遑而無動，氣綿綿而徘徊，精涓涓而遺轉，神混混而往來。開昆崙放七竅，斂元氣於九竅。鑿破玉關，神光方顯，寂然圓郭，一任往來。”言畢而去。

一日，又遇華陽真人，傳以太極刀法，火符內丹。於是洞曉玄機之道，深明往來之理。一日，別其兄，獨遊雲山，至魯居郎城之崆峒，於紫金四誥峰居之。忽石壁猛響一聲，開若門戶。鐘離直入其中，見一玉匣，啟而視之，乃神仙秘訣也。鐘離懷之而出。未幾，其石復合，居數日乃復歸三峰，玩其祕訣，遵而行之。忽五色祥雲滿戶，仙樂頻奏，漸入齋中，有仙鶴呼權曰：“玉帝有命，迎汝回天，且轉復舊職矣。”權謂簡曰：“兄少留此，不久即復會也。”乃授簡玉冊，乘雲仙去。簡自與權別，深求祕訣之理，更加修煉之功，臻清淨無為之宇，金簡玉冊之要，遂能察往知來，通玄入妙。一日雲房跨鶴到曰：“兄今至道已開，塵緣已滿，不可復留此山矣。”乃與之同日升天，度純陽而去。